

Қазақстан Республикасының Әкімшілік құқық бұзушылық туралы кодексіне өзгерістер мен толықтырулар енгізу туралы

Қазақстан Республикасының Заңы 2024 жылғы 5 шілдедегі № 114-VIII ҚРЗ

ЗҚАИ-ның ескертпесі!

Осы Заңның қолданысқа енгізілу тәртібін 2-б. қараңыз.

1-бап. 2014 жылғы 5 шілдедегі Қазақстан Республикасының Әкімшілік құқық бұзушылық туралы кодексіне мынадай өзгерістер мен толықтырулар енгізілсін:

1) 44-баптың бірінші бөлігінің екінші абзацы 11) тармақшасындағы "сомасының пайызымен көрсетіледі." деген сөздер "сомасының;" деген сөзбен ауыстырылып, мынадай мазмұндағы 12) және 13) тармақшалармен толықтырылсын:

"12) төленбеген кедендік төлемдер, салықтар, арнайы, демпингке қарсы, өтемақы баждары сомасының;

13) Еуразиялық экономикалық одақтың кедендік шекарасы арқылы өткізу кезінде декларацияланбаған не анық емес декларацияланған қолма-қол ақша қаражаты сомасының және (немесе) ақша құралдары құнының пайызымен көрсетіледі.";

2) 233-бапта:

бірінші бөліктің бірінші абзацындағы "іс-әрекеттер ірі залал келтірмесе" деген сөздер "әрекеттерде қылмыстық жазаланатын іс-әрекет белгілері болмаса" деген сөздермен ауыстырылсын;

екінші бөліктің бірінші абзацындағы "іс-әрекет жеке тұлғаға, ұйымға немесе мемлекетке ірі залал келтірмесе" деген сөздер "әрекетте қылмыстық жазаланатын іс-әрекет белгілері болмаса" деген сөздермен ауыстырылсын;

3) 238-бапта:

бірінші бөлікте:

1) тармақшадағы "есеп жүргізуден жалтару, егер бұл әрекетте қылмыстық жазаланатын іс-әрекет белгілері болмаса" деген сөздер "есепке алуды жүргізуден жалтару" деген сөздермен ауыстырылсын;

2) тармақша мынадай редакцияда жазылсын:

"2) бұрмаланған қаржылық есептілік жасау, бухгалтерлік есепке алуда көрсетілуге жататын деректерді жасыру, бухгалтерлік құжаттамаға ұйымның шаруашылық және қаржылық қызметі туралы көрінеу жалған ақпаратты енгізу, сол сияқты бухгалтерлік құжаттаманы жою;"

екінші абзацтағы "елу" деген сөз "бір жүз" деген сөздермен ауыстырылсын;

4) 239-баптың бірінші бөлігінің 1) тармақшасындағы "есеп жүргізуден жалтару, егер бұл әрекетте қылмыстық жазаланатын іс-әрекет белгілері болмаса" деген сөздер "есепке алуды жүргізуден жалтару" деген сөздермен ауыстырылсын;

5) 545-баптың бірінші абзацы "өткізу" деген сөзден кейін ", егер бұл әрекетте қылмыстық жазаланатын іс-әрекет белгілері болмаса," деген сөздермен толықтырылсын;

6) 549-баптың бірінші абзацы "беру" деген сөзден кейін ", егер бұл әрекетте қылмыстық жазаланатын іс-әрекет белгілері болмаса," деген сөздермен толықтырылсын;

7) 550-баптың бірінші абзацы "пайдалану" деген сөзден кейін ", егер бұл әрекеттерде қылмыстық жазаланатын іс-әрекет белгілері болмаса," деген сөздермен толықтырылсын;

8) 551-бапта:

бірінші бөлікте:

бірінші абзац "өзге де анық емес мәліметтерді мәлімдеуі" деген сөздерден кейін ", егер бұл әрекетте қылмыстық жазаланатын іс-әрекет белгілері болмаса," деген сөздермен толықтырылсын;

екінші абзац мынадай редакцияда жазылсын:

"төленбеген кедендік төлемдер, салықтар, арнайы, демпингке қарсы, өтемақы баждары сомасының жиырма бес пайызы мөлшерінде айыппұл салуға алып келеді.";

екінші бөліктің екінші абзацы мынадай редакцияда жазылсын:

"төленбеген кедендік төлемдер, салықтар, арнайы, демпингке қарсы, өтемақы баждары сомасының елу пайызы мөлшерінде айыппұл салуға алып келеді.";

үшінші бөліктің екінші абзацы мынадай редакцияда жазылсын:

"декларацияланбаған не анық емес декларацияланған ақша қаражаты мен ақша құралдары тәркілене отырып, декларацияланбаған не анық емес декларацияланған қолма-қол ақша қаражаты сомасының және (немесе) ақша құралдары құнының жиырма бес пайызы мөлшерінде айыппұл салуға алып келеді.";

мынадай мазмұндағы ескертпемен толықтырылсын:

"Ескертпе. Кедендік төлемдердің, салықтардың, арнайы, демпингке қарсы, өтемақы баждарының төленуге жататын сомалары "Қазақстан Республикасындағы кедендік реттеу туралы" Қазақстан Республикасының Кодексіне сәйкес есептеледі.";

9) 684-баптың бірінші бөлігі "550," деген цифрлардан кейін "551 (үшінші бөлігінде)," деген сөздермен толықтырылсын;

10) 720-баптың бірінші бөлігі "551" деген цифрлардан кейін "(бірінші, екінші және төртінші бөліктерінде)" деген сөздермен толықтырылсын;

11) 804-баптың бірінші бөлігінің 31) тармақшасы "550," деген цифрлардан кейін "551 (үшінші бөлігі)," деген сөздермен толықтырылсын.

2-бап. Осы Заң алғашқы ресми жарияланған күнінен кейін күнтізбелік алпыс күн өткен соң қолданысқа енгізіледі.

*Қазақстан Республикасының
Президенті*

Қ. ТОҚАЕВ

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК